


# Ministro Croes a inaugura Workshop di APLA

ORANJESTAD(AAN) -- Ministro Croes ayera a efectua apertura di e workshop APLA (Antillean Public Library Association) cual ta tuma lugar den Bushiri Beach Hotel.

E workshop lo trata temanan di "Organisacion, Cooperacion y Inovacion di Bibliotecanan".

Como oradornan invita pa trata e temanan ariba menciona entre otro tin señora Gerda Burgers di Hulanda, kende lo dirigi su charla ariba inovacion di e bibliotecanan for di su punto di bista como bibliotecaria, tambe señora Joan Pietersz, representando "Vormings-opleiding" na



Curacao, Rudia Maduro di Fundacion Cas Popular di Curacao y señor Tony Green, director di Hotelvakschool na Aruba.

Despues di e workshop lo tuma lugar e reunion anual general di APLA na cual lo asisti tur miembro tanto di Curacao, Sint Maarten, Saba, St. Eustatius, Bonaire y Aruba.

Ministro Croes a expresa palabranan di elogio na e organisacion y a desea nan forza cu nan sistema di traha den un forma di cooperacion entre Aruba y Antiyas ariba tereno informativo, educativo y cultural.

Segun Mark Lesser:

## Americana Hotel lo worde completamente renova

ORANJESTAD(AAN) -- Mark Lesser, corporate marketing director pa RJS Management N.V. e firma di

management di Americana, a duna di conoce na DIARIO cu practicamente henter Americana Hotel lo worde

renova y cu tambe lo bay amplia e cantidad di cambernan di 213 pa 419.

Ora e periodo di renovacion y expansion pasa Americana Hotel and Casino lo bira e hotel mas prominente den Caribe y cu e lugar pa reunion mas grandi di Aruba, Lesser a enfatisa.

Lo bay bin un club di ehersicio cu sauna, massage y machinenan pa haci ehersicio, un game room, lobby bar y 4 cancha di tennis.

E casino tambe lo worde renova y amplia cu ta duna oportunidad pa acomoda mas wegá. E pool lo worde reemplaza pa un mega pool y na banda lo bin un barbecue/buffet pa mas o menos 200 persona.

Esta den e ballroom lo bin cu sound system y luznan nobo. Tambe lo pone dos dish nobo

pa television. Esaki ta encera un inversion di 25 Mion Dollar.